

**ՎՏԱՆԳԻ ՎԵՐԼՈՒԾՈՒԹՅԱՆ ԵՎ ՀՍԿՄԱՆ ԿՐԻՏԻԿԱԿԱՆ
ԿԵՏԵՐԻ ՍԿԶԲՈՒՆՔՆԵՐԻ ՀԻՄԱՆ ՎՐԱ ՀԱՄԱԿԱՐԳԻ
ՆԵՐԴՐՄԱՆ ԹՈՒՅԼՏՎՈՒԹՅԱՆ ԿԱՍ ՄԵՐԺՄԱՆ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

_____ 2023 թվականի N _____-Ն

**ՎՏԱՆԳԻ ՎԵՐԼՈՒԾՈՒԹՅԱՆ ԵՎ ՀՍԿՄԱՆ ԿՐԻՏԻԿԱԿԱՆ ԿԵՏԵՐԻ ՍԿԶԲՈՒՆՔՆԵՐԻ
ՀԻՄԱՆ ՎՐԱ ՀԱՄԱԿԱՐԳԻ ՆԵՐԴՐՄԱՆ ԹՈՒՅԼՏՎՈՒԹՅԱՆ ԿԱՍ ՄԵՐԺՄԱՆ**

ԸՆԹԱՑԱԿԱՐԳԸ ՀԱՍՏԱՏԵԼՈՒ ՄԱՍԻՆ

Հիմք ընդունելով «Սննդամթերքի անվտանգության մասին» օրենքի 6-րդ հոդվածի 1-ին մասի 23-րդ կետը և Հայաստանի Հանրապետության կառավարության 2023 թվականի մարտի 23-ի N 356-Լ որոշման N 2 հավելվածի 5.1-ին կետը՝ Հայաստանի Հանրապետության կառավարությունը **որոշում է.**

1. Հաստատել վտանգի վերլուծության և հսկման կրիտիկական կետերի սկզբունքների հիման վրա համակարգի ներդրման թույլտվության կամ մերժման ընթացակարգը՝ համաձայն հավելվածի:
2. Սույն որոշումն ուժի մեջ է մտնում պաշտոնական հրապարակման օրվան հաջորդող երեսուներորդ օրը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

Հավելված

ՀՀ կառավարության 2023 թվականի

_____ -ի N ____ -ն որոշման

ԸՆԹԱՑԱԿԱՐԳ

ՎՏԱՆԳԻ ՎԵՐԼՈՒԾՈՒԹՅԱՆ ԵՎ ՀՍԿՄԱՆ ԿՐԻՏԻԿԱԿԱՆ ԿԵՏԵՐԻ ՍԿԶԲՈՒՆՔՆԵՐԻ ՀԻՄՆԱՆ ՎՐԱ ՀԱՄԱԿԱՐԳԻ

ՆԵՐԴՐՄԱՆ ԹՈՒՅԼՏՎՈՒԹՅԱՆ ԿԱՄ ՄԵՐԺՄԱՆ

1. Սույն ընթացակարգով կարգավորվում են վտանգի վերլուծության և հսկման կրիտիկական կետերի համակարգի սկզբունքների վրա հիմնված ընթացակարգերի և հաստատված պլանի հիման վրա եզրակացություն (այսուհետ՝ եզրակացություն) տալու հետ կապված հարաբերությունները:

2. Կենդանական և բուսական ծագման սննդամթերք արտադրող սննդի շղթայի օպերատորները (այսուհետ՝ օպերատոր) նախքան արտադրական օբյեկտի պետական գրանցման մասին լիազոր մարմին դիմում ներկայացնելը և սննդի շղթայի օպերատորների բազայում գրանցվելը՝ Հայաստանի Հանրապետության սննդամթերքի անվտանգության տեսչական մարմին (այսուհետ՝ լիազոր մարմին) ներկայացնում են վտանգի վերլուծության և հսկման կրիտիկական կետերի համակարգի (այսուհետ՝ ՎՎՀԿԿ) սկզբունքների վրա հիմնված ընթացակարգերի և հաստատված պլանի վերաբերյալ տեղեկատվություն՝ եզրակացություն ստանալու նպատակով: Արտադրական օբյեկտի պետական գրանցումը և սննդի շղթայի օպերատորների բազայում

գրանցվելը իրականացվում է միայն եզրակացության առկայության դեպքում:

3. Եզրակացությունը տրվում է լիազոր մարմնի կողմից՝ օպերատորի դիմումի հիման վրա:

4. Եզրակացություն ստանալու համար օպերատորը կամ նրա կողմից լիազորված անձը (այսուհետ՝ դիմումատու) առձեռն, կամ Էլեկտրոնային եղանակով լիազոր մարմին է ներկայացնում հետևյալ փաստաթղթերը՝

- դիմում՝ համաձայն N 1 ձևի.
- ներդրված ՎՎՀՀԿ համակարգի սկզբունքների վրա հիմնված ընթացակարգերի վերաբերյալ տեղեկատվություն և հաստատված պլանը.
- լիազորված անձի միջոցով դիմում ներկայացնելու դեպքում՝ օրենսդրությամբ սահմանված կարգով տրված լիազորագրի պատճենը:

5. Լիազոր մարմինը փաստաթղթերը ստանալուց հետո 3 աշխատանքային օրվա ընթացքում առձեռն կամ Էլեկտրոնային եղանակով հաստատում է փաստաթղթերի ստացման, դրանց լիարժեքության կամ թերի լինելու փաստը:

6. Լիազոր մարմինը սույն կարգի 4-րդ կետով սահմանված փաստաթղթերը ստանալու օրվանից 30 օրվա ընթացքում իրականացնում է վարչական վարույթ՝ դրանց սույն կարգով սահմանված պահանջների համապատասխանությունը պարզելու նպատակով և համապատասխանելու դեպքում տալիս է եզրակացություն՝ համաձայն N 2 ձևի:

7. Վարչական վարույթն իրականացվում է «Վարչարարության հիմունքների և վարչական վարույթի մասին» օրենքով սահմանված կարգով:

8. Լիազոր մարմնի կողմից դիմումը հետ է վերադարձվում, եթե պահանջվող տեղեկատվությունը թերի է և տրվում է 3 աշխատանքային օր՝ թերությունները վերացնելու համար:

9. Սահմանված պահանջների անհամապատասխանությունների հայտնաբերման դեպքում՝ դիմումատուին տրվում է դրանք շտկելու մասին հանձնարարական, որի ժամկետը համաձայնեցվում է դիմումատուի հետ:

10. Հանձնարարականում նշված ժամկետում անհամապատասխանությունները վերացնելուց հետո՝ դիմումատուն 3 աշխատանքային օրվա ընթացքում լիազոր մարմնին գրավոր ծանուցում է հանձնարարականի կատարման և հայտնաբերված անհամապատասխանությունները վերացնելու մասին: Ծանուցման մեջ նշվում են անհամապատասխանությունների վերացման փաստը և հայտնաբերված անհամապատասխանությունների վերացմանն ուղղված միջոցառումները:

11. Լիազոր մարմինը վարչական վարույթի արդյունքում հայտնաբերված բոլոր անհամապատասխանությունները վերացնելու մասին ծանուցումն ստանալուց հետո՝ 10 աշխատանքային օրվա ընթացքում տալիս է եզրակացություն :

12. Եզրակացությունը տրվում է անժամկետ:

13. Եզրակացությունն ստանալու մասին դիմումը մերժվում է լիազոր մարմնի որոշմամբ՝ սույն կարգով սահմանված պահանջներին անհամապատասխանությունները վերացնելու մասին հանձնարարականը չկատարելու դեպքում:

14. Եզրակացությունն ստանալու համար ներկայացված դիմումը մերժելու մասին որոշումը՝ մերժման հիմքերի նշմամբ, լիազոր մարմինը 3 աշխատանքային օրվա ընթացքում էլեկտրոնային եղանակով կամ առձեռն տրամադրում է դիմումատուին:

15. Դիմումատուն եզրակացությունը ստանալու մասին դիմումի մերժման վերաբերյալ որոշումը կարող է բողոքարկել՝ Հայաստանի Հանրապետության օրենսդրությամբ սահմանված վարչական կամ դատական կարգով:

16. Եզրակացությունը կորցնելու դեպքում լիազոր մարմնի կողմից տրամադրվում է եզրակացության կրկնօրինակը, որի աջ անկյունում կատարվում է դրոշմակնքում՝ «Կրկնօրինակ» բառով:

-
-
-
-
-
-
-

Ձև N 1

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՆԴԱՍԹԵՐԹԻ ԱՆՎՏԱՆԳՈՒԹՅԱՆ ՏԵՍԶԱԿԱՆ ՄԱՐՄԻՆ

Դ Ի Մ ՈՒ Մ

ՎՏԱՆԳԻ ՎԵՐԼՈՒԾՈՒԹՅԱՆ ԵՎ ՀՍԿՄԱՆ ԿՐԻՏԻԿԱԿԱՆ ԿԵՏԵՐԻ ՀԱՄԱԿԱՐԳԻ
ՍԿԶԲՈՒՆՔՆԵՐԻ ՎՐԱ ՀԻՄՆՎԱԾ ԸՆԹԱՑԱԿԱՐԳԵՐԻ ԵՎ

ՀԱՍՏԱՏՎԱԾ ՊԼԱՆԻ ՀԻՄԱՆ ՎՐԱ ԿԵՆԴԱՆԱԿԱՆ ԵՎ ԲՈՒՍԱԿԱՆ ԾԱԳՄԱՆ
ՄՆԴԱՄԹԵՐՔ ԱՐՏԱԴՐՈՂ

ՄՆԴԻ ՇՂԹԱՅԻ ՕՊԵՐԱՏՈՐԻՆ ԵԶՐԱԿԱՑՈՒԹՅՈՒՆ ՏԱԼՈՒ ՄԱՍԻՆ

Դիմող՝ _____

(իրավաբանական անձի անվանումը, անհատ ձեռնարկատիրոջ անունը,

հեռախոսահամարը և էլեկտրոնային փոստի հասցեն)

գործունեության ոլորտը (տեսակը)

Հասցե՝ _____

(իրավաբանական անձի գտնվելու վայրը, անհատ ձեռնարկատիրոջ
վայրը)

ՖԱՍՏԱՑԻ
ԳՈՐԾՈՒՆԵՈՒԹՅԱՆ _____

վայրը՝ _____

Իրավաբանական անձի պետական գրանցման համարը,
անհատ ձեռնարկատիրոջ պետական հաշվառման համարը

Հարկ վճարողի հաշվառման համարը

Խնդրում եմ տալ եզրակացություն ՎՎՀԿԿ համակարգի սկզբունքների վրա հիմնված ըն

Դիմումին կից ներկայացնում եմ փաստաթղթերը

Հայտնում եմ, որ ներկայացված փաստաթղթերում առկա տվյալներն
ամբողջական են և հավաստի:

Հետադարձ ծանուցման եղանակը՝ _____

(հեռախոսահամարը, էլեկտրոնային փոստի հասցեն)

Դիմող

(ստորագրությունը,
առկայության դեպքում նաև
կնիք)

(անունը, ազգանունը)

_____ 20 թ.

Ձև N 2

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՆԴԱՄԹԵՐԹԻ ԱՆՎՏԱՆԳՈՒԹՅԱՆ

ՏԵՍՉԱԿԱՆ ՄԱՐՄԻՆ

ԵԶՐԱԿԱՑՈՒԹՅՈՒՆ

**ՎՏԱՆԳԻ ՎԵՐԼՈՒԾՈՒԹՅԱՆ ԵՎ ՀՍԿՄԱՆ ԿՐԻՏԻԿԱԿԱՆ ԿԵՏԵՐԻ ՀԱՄԱԿԱՐԳԻ
ՍԿԶԲՈՒՆՔՆԵՐԻ**

ՎՐԱ ՀԻՄՆՎԱԾ ԸՆԹԱՑԱԿԱՐԳԵՐԻ ԵՎ ՀԱՍՏԱՏՎԱԾ ՊԼԱՆԻ

N ____

Դիմումատու _____

(իրավաբանական անձի անվանումը, անհատ

Հասցե _____

(իրավաբանական անձի գտնվելու վայրը, անհատ ձեռնարկատ
բնակության վայրը)

ՖԻԱՍՏԱՑԻ
ԳՈՐԾՈՒՆԵՈՒԹՅԱՆ

վայրը` _____

Գործունեության ոլորտը (տեսակը) _____

Հարկ վճարողի հաշվառման համարը _____

Տեսչական մարմնի ղեկավար _____

(ստորագրությունը)

(անունը, ազգանունը)

_____ 20 թ.